





- Kami ay nag-apruba sa iyong claim at nakakatanggap ka ng dati nang dapat binayaran na mga benepisyo; at
- Ang kaukulang bayad na iyong sinang-ayunan kasama ng iyong kinatawan ay hindi hihigit sa 25 porsiyento ng mga dati nang dapat bayaran na mga benepisyo o \$6,000, alinman ang mas mababa.

Kung hindi namin aprubahan ang kasunduan sa singilin, ipapagbigay-alam namin sa iyo at sa iyong kinatawan sa pamamagitan ng kasulatan.

### Pagsasampa ng fee petition (petisyon sa singilin)

Maaari kaming bigyan ng iyong kinatawan ng isang petisyon sa singilin makalipas na makumpleto ang trabaho sa iyong (mga) claim. Ang nakasulat na kahilingan na ito ay nararapat na maglarawan nang detalyado sa tagal ng panahon na inilaan sa bawat serbisyo na ipinagkaloob ng iyong kinatawan. Ang iyong kinatawan ay dapat magbigay sa iyo ng kopya ng petisyon sa singilin at ang bawat kalakip. Kung ikaw ay di sumang-ayon sa kaukulang bayad o sa impormasyon na ipinapakita, makipag-ugnayan sa amin sa loob ng 20 araw. Aming ikokonsidera ang makatarungang halaga ng mga serbisyo ng kinatawan at sasabihin sa iyo, sa pamamagitan ng isang kasulatan, ang halaga ng singilin na aming inaaprubahan. Kung ikaw ay di sumasang-ayon sa kaukulang bayad na aming inaprubahan, kailangan mong sabihin sa amin sa pamamagitan ng kasulatan sa loob ng 30 araw mula sa petsa nang bigyan namin ito ng awtorisasyon.

### Magkano ang iyong babayaran

Ang kaukulang bayad na aming pinagpasyahan na dapat singilin ng iyong kinatawan ay ang pinakamalaking halaga na dapat mong bayaran para sa kaniyang mga serbisyo, kahit na sumang-ayon ka na bayaran ng mas malaki ang iyong kinatawan. Gayunman, maaari kang singilin ng iyong kinatawan para sa mga mula sa

sariling bulsa na gastusin, tulad ng mga gastusin para sa mga medikal na ulat, nang wala ang aming aprubasyon.

Kung ang abogado o di abogado kung saan naturing ng Social Security na karapat dapat para sa direktang kabayaran ang kumatawan para sa iyo, kami ay magtatabi ng hanggang 25 porsiyento ng iyong dati nang dapat bayaran na mga benepisyo para bayaran ang singilin. Kami ay nagbabayad sa lahat o isang parte ng mga singilin ng kinatawan mula sa perang ito at magpapadala sa iyo ng anumang mga perang natira.

Minsan ay kailangan mong bayaran ang iyong kinatawan nang direkta:

- Kailangan mong bayaran ang natitirang utang mo kung ang naaprubahang halaga ay higit pa sa perang aming itinabi at binayaran sa iyong kinatawan.
- Kailangan mong bayaran ang kabuuang singilin kung:
  - Ang iyong kinatawan ay hindi karapat-dapat para sa direktang kabayaran;
  - Ang iyong kaso ay hindi nagresulta
  - Hindi kami nagtabi ng 25 porsiyento mula sa iyong dati nang dapat bayaran na mga benepisyo mula sa Social Security o Supplemental Security Income; o pareho; o
  - Ang iyong kinatawan ay nagsagawa ng nasa oras na kahilingan para sa isang singilin at kami ay nagpadala sa iyo ng pera na dapat naming itabi.

Kailangan mong magbayad ng mga out-of-pocket na gastusin sa iyong kinatawan na natamo o (mga) inaasahan na matamo (halimnbawa, ang halaga ng pagkuha ng mga rekord ng iyong doktor o ospital).

## Kung may ibang taong nagbayad sa iyong kinatawan

Kailangan naming aprubahan ang kaukulang bayad, kahit na ibang tao ang magbabayad nito para sa iyo (halimbawa, isang kaibigan o kamag-anak), maliban kung:

- Ito ay isang negosyo, isang for-profit o non-profit na organisasyon o pederal, pang-estado, county o pang-lungsod na ahensyang magbabayad ng kaukulang bayad at anumang mga gastusin mula sa sarili nitong mga pondo; at
- Ikaw at anumang mga dagdag na beneficiary ay libre mula sa direkta o di direktang pananagutan para bayaran ang singilin o gastusin, nang buo o isang bahagi nito, sa isang kinatawan o sa iba pa; at
- Ang iyong kinatawan ay nagbigay sa atin ng nakasulat na pahayag na ikaw ay hindi kailangang magbayad ng anumang singilin o gastusin.

## Kung ikaw ay nag-apela ng iyong claim sa pederal na korte

Mapapahintulutan ng korte ang isang makatarungang singilin para sa iyong abogado. Hindi namin kailangan aprubahan ang nasabing kaukulang bayad. Ang iyong kaukulang bayad ay hindi lalampas sa 25 porsiyento ng lahat ng dati nang binayarang mga benepisyo na magreresulta sa desisyon ng korte. Hindi sisingilin ng iyong abogado ang anumang dagdag na singilin para sa mga serbisyo sa harap ng korte.

## Pakikipag-ugnayan sa Social Security

May iba't ibang paraan para makipag-ugnayan sa Social Security, kabilang na ang online, sa pamamagitan ng telepono, at nang personal. Naririto kami para sagutin ang inyong mga katanungan at upang mapaglingkuran kayo. Higit na sa 80 taon, ang Social Security ay nakatulong na mapanatag ang kabuhayan ngayon at para sa kinabukasan sa pamamagitan ng pagkakaloob

ng mga benepisyo at pinansiyal na proteksyon para sa milyon-milyong mga katao para sa kanilang pamumuhay.

## Bumisita sa aming website

Ang pinakamadaling paraan na makipag-ugnayan sa Social Security mula saanmang lugar kahit kailan, ay bumisita sa **[www.socialsecurity.gov](http://www.socialsecurity.gov)**. Doon, maaari kayong:

- Lumikha ng isang my Social Security account para mabalikan ang inyong *Social Security Statement*, patotohanan ang inyong mga kinita, mag-print ng isang benefit verification letter (liham ng pagpapatotoo ng benepisyo), baguhin ang inyong impormasyon para sa direktang pagde-deposito, humiling ng isang pamalit na Medicare card, kumuha ng kapalit na SSA-1099/1042S, at marami pang iba;
- Mag-apply para sa Extra Help (Karagdaganang Tulong) gamit ang mga gastusin sa plano ng Medicare para sa inireresetang gamot;
- Mag-apply para sa retirement, kapansanan at mga benepisyo sa Medicare;
- Maghanap ng mga kopya ng aming mga inilathala;
- Makuha ang mga sagot sa mga madalas a katanungan; at
- Marami pang iba!

Ang ilang sa mga serbisyonang ito ay makukuha lang sa wikang Ingles. Bumisita sa aming Multilanguage Gateway para sa impormasyon sa wikang Tagalog. Kami ay nagkakaloob ng libreng serbisyo ng interpreter para tulungan kayo sa pagsasagawa ng inyong dapat gawin sa Social Security. Ang mga serbisyo ng interpreter ay handang magamit kung kayo ay makikipag-usap sa amin sa telepono o sa tanggapan ng Social Security.

## Tumawag sa amin

Kung wala kayong access sa internet, kami ay naghahandog ng maraming mga automated na serbisyo sa pamamagitan ng telepono, 24 oras, 7 araw sa isang linggo. Tumawag sa amin sa walang bayad na toll sa **1-800-772-1213** o

sa aming TTY na numero, **1-800-325-0778**, kung kayo ay hindi nakakarinig o nahihirapan makarinig.

Kung kailangan ninyong makipag-usap sa isang tao, masasagot namin ang inyong mga tawag mula 7 a.m. hanggang 7 p.m., Lunes hanggang Biyernes. Humihingi kami ng kaunting pasensya sa mga panahon na napakaraming ginagawa dahil maaari kayong makaranas ng higit sa karaniwang dalas na pagka-busy ng telepono at mas matatagal na panahon ng paghihintay sa tawag para makausap kami. Inaasahan namin na makapaglingkod sa inyo.



Securing today  
and tomorrow

**Social Security Administration**  
Publication No. 05-10075-TL | June 2017  
Ang Iyong Karapatan sa Pangangatawan  
Your Rights to Representation (Tagalog)

Produced and published at U.S. taxpayer expense

Ang nagbabayad ng buwis sa U.S. ang nagbayad para sa paglikha at paglathala nito